

ME CAR AMIS: A SON GAJÓUD,
AT SCRIV DAL PARADIS E CHI DA L'OUT
PÈR VIQHI 'SE CH'UI CAPITA DABAS...
AM SON ANRUFIANÀ CON SÒN TUMAS,
L'È L'ÜNICH CH'L'À UTNI 'L PERMÈS SPECIAL
D'ANDÈ A FICHÈ U NAS COI CANUCIAL
E ME PÈR CH'U M'J'AMPRESTA ÒQNI TÒNT
AI DIQ... CH'A L'È 'L PÜ FÜRÀ AD TÜCC I SÒNT.
AL SAT ACSE CH'J'Ó VIST UARDÒNDA 'N BAS?
CH'U J'È SPARI 'L MERCÀ 'D PIASA RATAS!
ÈL MAI PUSIBIL CHE CUI SETÀ 'N PULTRON-NA
I J'ABU NENT'ANCURA TRUVÀ 'L MÈSU
AD FÈ PÈR J'AMBULÒNT 'D PIASA SAVON-NA
DU DÒCI, TREI BIDÉ... E QUATER CÈSU?!
J'Ó VIST IN AMBULÒNT DRERA 'L BANCON
CH'U S'È CUACIÀ SGAQIÀ ANS IN TOLON
E N'ATR' AN PÒ PÜ 'N LÀ CH'U S'È SETÀ...
A L'AVA 'L BRAJI AN MÒN E 'L CÜ SCUATÀ!
CHI CH'L'È CH'U L'À RANQIAJA 'N PÒ PÜ BEN
L'È CUL CH'A L'À 'L BANCON DI PANULEN;
U J'À FACC FORA TÜCC ANT 'NA GIURNÀ...
VANSÒNDA SULAMENT CUI DA MASNÀ.
'NA PART DI LISANDREN CH'I VENU AD SURÀ
M'ÒN DICC CH'U J'È DLA GENT CH'LA SPECIA ANCURA
IN PÒST AU SIMITERI 'D PIASA D'ARMÌ
CH'J'ÒN ZÀ PAGÀ CON TÜCC I SO RISPARMI.
SENTENDA CUL CH'J'ÒN DICC U M'È 'VNI FRIGQ,
MA IS A L'È N'AFÈ DA DOI L'INDRICC!
ANCURASÈ CHE VOI J'EI TÜCC IN STÒMI
CH'U DIGERIS DI GRUP DA MANICÒMI!
CHI CH'L'È CULA PITRICE O CUL PITUR
CH'L'À PITÜRÀ I STECATI TÛT ANTUR?
I SARÒN BÈI... PERÒ TÒNT CH'AI UARDAVA...
EL ME AMIS UTRILLO... AL GUMITAVA!
E BOIDI L'ASESUR... CON 'SA BAVÈTA
E CON 'SA TÈSTA CHE 'NA "CULUMBARDA"
L'AURIVA FÈ SPARI D'ANS LA PIASÈTA
U SIMBUL AD'NA LEQA, CH'J'ÒN SEMP' CIAMÀ LUMBARDA.

AL SAT ACSE CH'AI FAVA A'S COL D'ARÒST
 S'A L'EIS REALISÀ LA SO PRUPÒSTA?
 A PIAVA L'UBELISCU DAU SO PÒST...
 E DÒP AI L'ANFILAVA CHE SUPÒSTA!
 DESÀ CH'U J'È 'NDACC VEJA SÒN TOMAS,
 ADÈS A VOI CHINTÈTNA ANCURA JÈN-NA:
 UARDÒNDA COI BINÒCUL ZÜ DABAS
 AM SON CREDÌ D'AVEI PUNTÀ LA LÈN-NA.
 L'È 'NDACIA BEN CHE DÒP SGRANÒNDA J'OGG
 J'Ò VIST EL J'ACQUI NEIRI 'D BURMIA E TANI
 E CHI CH'U M'À CUNFÜS SON STACC I BOGG
 CHE VIST DA L'OUT... I SMEJU DI VOLCANI!
 A J'Ò MAI VIST TÒNT BOGI PÈR LISÒNDRIA
 DAI TEMP CH'A PASULAVA CON LA MÒNDRIA
 E A CUI TEMP S'U J'ERA DLA PUCIACA
 A TNIVA 'L GÒMBI LARQHI ANS LA ME VACA.
 ANLURA S'UI PASAVA CHIC CARÈT
 AL MASIM UT SBRENSAVA ANS I GARÈT,
 ADÈS S'UI VA 'NA MACHINA 'NT IN BOGG
 S'U J'È 'N PÒ D'ACQUA 'T LA SCHISA FIN ANT J'OGG!
 E CUI CH'Ì STÒN DAL PART 'D VIA VOLTURNO?..
 PÈR NENT CH'UI CASCA 'N CUP ANS LA SO GHIGNA
 I PASU DAU DISTRÈT E TÜCC A TURNO
 I FÒN LA STRÀ... CON IN PARACQUA 'D LIGNA.
 CON MIRABÈL CH'U REJ SUT'AI BARBIS
 LA GIONTA CUMUNAL L'À ZÀ DECIS
 AD REGALÈI IN ÒRT AI PENSIONA'
 ANDÒ CHE I MAT 'D 'NA VÒTA J'ÒN SEMNÀ.

I MAT CH'US VIG ADÈS I SON TÜCC SIUR,
 'T CAPISI SÜBIT CH'Ì SON D'IN ATRA RASA,
 CHICDÈN L'ÒN SISTEMA CME ASESUR
 AN CUL PALASI RUS CH'US VIG AN PIASA...
 QUÒND CH'LA VA BEN, I GIRU CME 'NA ROVA,
 QUÒND CH'LA VA MA', LA CULPA L'È LA TOVA
 E SE CHICDÈN AD LUR AL FA CHICCÒS...
 AL MÒRD LA PULPA E J'ATA I CIÜCIU J'ÒS!
 S'T'AI CIAMI 'D FÈ 'NA SPEISA 'D PÒCHI LIRI
 I RISU U NAS PO 'T MÒNDU A FÈ DEL GIRI
 E S'AT ANSISTI, I DISU CH'Ì SON PÖVER
 CH'J'ÒN NÒNCA I SÒLD PÈR FÈ RANGÈ U RICÒVER...

SE DÒP UÌ RIVA JÈN PÈR FÈ 'N CUNTRAT
DA DOI O TREI MILIARD, I VENU MAT;
I SPENDU DI MILION PÈR DI PRUGÈT
CHE DÒP I SARU SÜ ANT IN TIRÈT.

SE PÈR AVNÌ PADRON DLA PIASA D'ARMI
I SON DISPÒST A SPENDI I NÒST' RISPARMI,
A PENS CHE SUT 'SA TERA DU DEMANIO...
UÌ SEJA DL'ÒR O CHIC FILON D'URANIO!

IN DÌ CHE SÒN TUMAS L'À FICÀ U NAS
PÈR VIGHI 'SI BÈI VAS CH'U J'È DABAS,
M'À SÜBIT DICC CHE LÜ L'È NENTA 'N MARTIR
PÈR SUPURTÈ I LAMPION 'D VIA DI MARTIR!

AVGHENDA CH'A RESTAVA A BUCA LARGA
U M'À PASÀ I BINÒCUL PÈR CH'A UARDA...
- PÈR ME SON TÜCC LAMPION DA SBATI AN PIASA,
AN CUNTRÀ LARGA S'AFÒN CME RIS E GIASA.

DESÀ CHE SÒN TUMAS L'È TURNA ANDACC
AT DIG CHE BEN O MA' CHICCÒS L'ÒN FACC
E S'J'ÒN PENSÀ CH'A SON 'NA LENGUA GRAMA
J'ÒN NENT CAPI... CHE CHI DISPRÈSSA AMA.

T'AL SAI CME CH'I SON FACC I LISANDREN,
IS TROVU A DÌ, MA 'N FOND IS VORU BEN
E ME CME LUR, UM PIAS TAJÈ I CULÈT,
MA PÈR RIQUARD, AL FAS COL ME DIALET;

ALMENU CUL CH'J'Ó DICC A J'ASESUR
U RÈSTA SEMPER CHI FRA ME E LUR...
SE PO CHICDÈN U STA COU NAS ARIS,
S'AI PASA NENTA... AL MÒND A CUL PAIS!